

2/634/10

種 四 十 第

沈氏經驗方
提要

沈氏經驗方第十四種提要

二

沈氏經驗方一卷附胎產良方一卷前清乾隆
海昌沈心齋先生將平生施送經驗之方所輯
成裘君吉生舊藏抄本也中多外傷跌仆救急
祕法並親身試用而經驗之案亦記之作實例
爲各種驗方所不及因經驗者所謂曾經試驗
也然各種驗方往往爲慈善家所輯刊以耳爲
目未加試用故稱之曰驗方則可稱之曰經驗
方則不可本書皆無是弊有人翻印功德無量

原序

余於靈蘭之書素未究心嘗患見人疾苦心竊隱痛而卒無從解免之當讀書家食時每於相知晤話間得一丹方必叩其原委而手錄焉試而效則識諸別頁以爲驗自通籍以後歷數州縣製丹藥濟人屢著奇效其見見聞聞得經驗良方如千頁大抵所治多急病頗類稚川肘後四卷竊思拯人疾苦施良藥不如垂良方之爲功久且遠以一人獨秘之方濟人不若以獨秘者使人人洞曉其所濟爲尤廣也爰集各丹方錄袖珍一冊登諸梨棗俾克廣布於世好善者並可隨緣普濟矣甯俟工明堂針灸之術炫鐵鏡照人之奇若古良醫俞跗割皮解肌洗腸滌胃始足以稱神技而積陰功耶是在仁人君子各發婆心勿視是書爲迂腐不急之談而隨地隨人留心拯濟厥功豈淺鮮者孟子謂乍見之心人皆有之恃天下人皆有是心而爲是言也余亦恃天下人皆有是心而刊

是書豈徒好事者之所爲歟

乾隆三十二年歲在旃蒙大淵獻小暑前三日知山東泰安府東平州事加三級紀綠四次海昌沈維基心齋氏序

序

吾友屠子雨梅課讀之暇偶於敝簾中得小板經驗良方一書余閱之皆世所不經見大約羅古人之方而擇其尤簡易者屠子曰往余在邑時見農夫毆鬪鴉嘴破其腦者余卽以金瘡鐵扇散敷之其應如神子盍壽諸梨棗以公世乎惟余雖善病而於岐黃之術不暇深求未能利己恐以害人卽有成方亦未敢必其決驗與否今年夏吾越多瘧症兒子枚病瘧未愈復出經驗方中治瘧之方如法試之頗能奏效余始欣然笑曰屠子豈欺余哉余於此道未能三折肱而踵門求藥者間或屢滿焉雖非按脈察證其於病之無損可知余喜方之可以救人故仍照原本付剞劂氏亦未始非妙手回春之一助云時嘉慶六年歲在辛酉七月望日蕭山軼門居士題於浮峰精舍

再三相勸

三三醫報中常有人
將經驗方寄刊流傳
此亦好善者一片婆
心也然吾人應各各
留心常年訂閱醫報
一份所費有限獲益
實大故苦口相勸也

511.00
478
2:14



三三醫書第一集總目

11 10 9 8 7 6 5 4 3 2 1
 溫熱逢源
 醫事啟源
 醫經秘旨
 醫病簡要
 醫階辯證
 喉科秘訣
 癰科全書
 重訂時行伏陰芻言
 村居救急方
 毆蠱燃犀錄
 外科方外奇方

22 21 20 19 18 17 16 15 14 13 12
 欽論經旨
 臨症驗舌法
 沈氏經驗方
 重訂痧疫指迷
 重訂靈蘭要覽
 凌臨靈方
 推篷寤語
 舊德堂醫案
 內經辯言
 新刊診脈三十二辯
 專治癰痧初編

33 32 31 30 29 28 27 26 25 24 23
 評註產科心法
 本草綱目
 先哲醫話
 蘇州陳氏幼科秘訣
 世醫
 秋瘡指南
 宋本備急灸法
 醫源
 馬培之醫案
 本事方續集
 曹仁伯先生醫案
 南病別鑑



35003

三三醫書第一集總目

沈氏經驗方目錄

金瘡鐵扇散藥

治刀斧跌打損傷方

治刀傷

救跌壓傷

救服瀉

救中喝

救斃

救溺死

救凍死

救驚斃

沈氏經驗方目錄

救撲打猝死

治蛇蟲傷

救癲狗傷

救縊死

救火湯傷

救中惡

解砒毒

解巴豆毒

解苦杏仁毒

解煤薰毒

治蠱毒及金蠶蠱

治瘡方

催生方

臨產方

三黃寶蠟丸

治黃疸方

治咽喉急症針少商穴法

喉閉方

破管散

保嬰稀痘神丹

治慢驚風

接骨方

沈氏經驗方目錄

治異症方

治反胃嘔酸二神丸

治心胃疼

治風狂病

治疔瘡

治偏正頭風

治絞腸痧

治鼓脹

治鼻紅症

治癰方

治爛腿方

治湯火傷

治胸膈飽悶并久痢方

治眼赤癢方

附胎產良方

生醫利便

家病利便又

有病遇不着醫生屬危險
醫生想不到方法更危險
然無論病家無論醫生但
長期訂閱三三醫報一份
有病可以問治法爲醫者
得交換知識亦易得治病
方法所以謂便利醫生又
便利病家願大家看醫報

沈氏經驗方

三三醫書第一集第十四種

海昌沈心齋先生輯

紹興裘慶元吉生校刊

金瘡鐵扇散藥

象皮五錢切薄片用小鍋焙黃色以乾爲度勿令焦 龍骨五錢用上白者生研 老材香一兩山陝等省無漆民間棺殮俱用松香黃蠟塗於棺內數十年後有遷葬者棺朽另移新棺其朽棺內之香蠟卽謂之老材香東南各省無老材香卽以數百年陳石灰一兩代之其效與老材香同 寸柏香一兩卽松香中之黑色者 松香一兩與寸柏香一同鎔化攪勻傾入冷水取出晾乾 飛礬一兩將白礬入鍋內熬透便是

以上六味共爲細末貯磁瓶中遇有刀石破傷者用藥敷傷口以扇向傷處搨之立愈忌臥熱處如傷處發腫煎黃連水用翎毛蘸塗之卽消此方神效

幸勿輕視

金瘡鐵扇散醫案

乾隆二十二年五月間沈雨蒼至晉得金瘡鐵扇散旋浙適有仁和縣民蔣姓因角口用刀自刎傷長二寸餘食噪半斷傷口冒血痛甚在地滾跌不能敷藥因縛其手足令臥涼地用枕墊其首使傷口漸合卽敷藥扇之少傾血凝半日後湯飲如常三日而愈

又於六月間有錢塘民因角口忿激用剃刀自刎食喉半斷喘氣傷口俱有血泡蓋喉間之氣已通於傷口也用藥敷之扇少頃血卽凝兩日全愈

又於十月內杭州城守營兵沈姓因操演被藤牌兵用腰刀悞戳鼻梁山根俱斷斜傷眼角深入寸餘病暈臥地敷藥扇之血凝兩日而愈

又於二十三年四月內杭城義烏寺僧人以大斧砍柴悞劈脚背深入寸餘傷

長三寸足背幾若兩半分裂其師夜半款門求藥敷之三日而愈

又於五月間有山西僧人孤身朝天台山行至嵊縣中途有賊尾至山僻持石擊其腦後僧人轉身回拒賊復擊其額角面頰頭顱等處骨亦有損者昏暈半日後漸醒赴縣喊稟因距被傷之時已經一日傷處冒風頭面腫大如斗雨蒼趨往救之先用黃連煎水洗去血迹以藥敷之因不流血未曾用扇兩日而愈又於七月內有紹協右營兵丁因操演馬驚被踢下頰其齒牙半脫并於頰下能見齒骨暈絕臥地見者以爲必絕雨蒼將藥敷後扇之血凝兩日而愈

又於十月內有杭城鳳山門門軍計姓向雨蒼求藥自言六月內墮城跌石上劃開左腿已爛百餘日視其傷口長三寸餘深寸餘潰爛有膿血卽用黃連煎湯洗去血迹用藥敷之因不流血未曾用扇三日而愈

又於二十四年九月內杭城羊市街有嫖婦因角口用磁碗鋒自劃其面傷十

餘條長俱四五寸流血發腫因卽以黃連煎水洗去血迹用藥敷之一日而愈
又於二十五年七月內紹協把總王九齡因救火悞踏椽木上長釘穿過鞋底
從脚心透出脚背傷甚重其時雨蒼同在救火卽用藥敷之一日而愈

又於二十六年五月內杭城大街名石坊前有楊姓剝馬草悞斷左手食指因
甫經切下斷脂尙溫卽令將斷脂接連四面敷藥扇之少頃傷口血凝兩日而
愈

又於二十七年六月內杭城有王姓者因爭鬪被人將刀刺面從左頰透出右
頰血流不止敷藥扇之三日而愈

又於二十八年正月內路經大街見有十三四歲幼孩從高塔失足墮地將自
佩烟筒悞戳入左腹深五寸許量絕地下雨蒼一手按傷口一手拔出烟筒卽
以藥敷之三日而愈

又於二月內杭城名世坊項姓因修屋倒塌被壓者十九人內頭面手足被傷者十二人雨蒼將有山右之行罄竊與之一日而愈

以上雖治法略有不同而其大旨則傷處喜涼惡熱夏日宜臥涼地冬月忌臥熱處瘡口不必用布包裹恐過煖難於結痂并忌飲酒致使血煖妄行設遇傷處發腫總以鷄鵝翎毛蘸黃連水塗之立愈至於敷藥之時若血流乃用扇扇之倘不流血即不必扇矣

治刀斧跌打損傷方

黃丹六兩水漂淨 生半夏六兩 生石膏三兩 熟石膏三兩 明松香六兩

以上諸品共研細爲末敷之立愈

治刀傷